

Na osnovu člana 16. stav 2. Zakona o Vladi Zeničko-dobojskog kantona - Prečišćeni tekst („Službene novine Zeničko-dobojskog kantona“, br. 7/10.), a u skladu sa članom 35. Zakona o izvršavanju Budžeta Zeničko-dobojskog kantona za 2022. godinu („Službene novine Zeničko-dobojskog kantona“, broj: 1/22) i Programa utroška sredstava sa tekućeg transfera za podršku vjerskim zajednicama, broj: 02-11-1799/22 od 04.02.2022. godine, na prijedlog Ministarstva za obrazovanje, nauku, kulturu i sport, Vlada Zeničko-dobojskog kantona, na 153. sjednici, održanoj dana 10.05.2022. godine, d o n o s i

ODLUKU

o odobravanju sredstava sa transfera za podršku vjerskim zajednicama u 2022. godini

Član 1.

(Predmet)

Odobravaju se sredstva vjerskim zajednicama sa područja Zeničko-dobojskog kantona u iznosu od 50.000,00 KM (slovima: pedesethiljada konvertibilnih maraka) u svrhu sufinansiranja projekata aktivnosti vjerskih zajednica i za rekonstrukciju i sanaciju vjerskih objekata.

Član 2.

(Analitika konta)

Odobrena sredstva iz člana 1. ove odluke isplatit će se iz Budžeta Zeničko-dobojskog kantona za 2022. godinu („Službene novine Zeničko-dobojskog kantona“, broj:1/22.), razdjel 22, budžetska organizacija 01, potrošačka jedinica 0001-Ministarstvo za obrazovanje, nauku, kulturu i sport, ekonomski kod 614300, pozicija “Tekući transfer za podršku vjerskim zajednicama”.

Član 3.

(Uplata sredstava)

Odobrena sredstva iz člana 1. ove odluke isplatit će se na osnovu programa utroška sredstava sa tekućeg transfera za podršku vjerskim zajednicama u 2022. godini, na transakcijske račune prema pregledu sačinjenom na osnovu poziva vjerskim zajednicama koje djeluju na području Zeničko-dobojskog kantona, a koji čini sastavni dio ove odluke.

Član 4.

(Izvještavanje)

Korisnici sredstava Budžeta namijenjenih za ovaj transfer dužni su najmanje jednom polugodišnje resornom ministarstvu dostaviti izvještaj o namjenskoj upotrebi odobrenih sredstava.

Član 5.

(Realizacija Odluke)

Za realizaciju ove odluke zadužuju se Ministarstvo za obrazovanje, nauku, kulturu i sport i Ministarstvo finansija, svako u okviru svojih nadležnosti.

Član 6.
(Stupanje na snagu)

Odluka stupa na snagu danom donošenja i objavit će se u „Službenim novinama Zeničko-dobojskog kantona“.

Broj: 02-11-7471/22

Datum, 10.05.2022. godine

Zenica

PREMIJER

Mirnes Bašić

DOSTAVLJENO:

1x Ministarstvo za obrazovanje, nauku, kulturu i sport,

1x Ministarstvo finansija,

1x „Službene novine Zeničko-dobojskog kantona“,

1x a/a.

Pregled raspodjele sredstava sa transfera za podršku vjerskim zajednicama u 2022. godini

| Subjekt | Iznos sredstava (KM) | Dinamika isplate sredstava |
|--|-----------------------------|-----------------------------------|
| Islamska zajednica u Bosni i Hercegovini Muftiluk zenički | 15.000,00 | polugodišnje |
| Medžlis Islamske zajednice Zenica | 4.000,00 | jednokratno |
| Medžlis Islamske zajednice Kakanj | 3.500,00 | jednokratno |
| Medžlis Islamske zajednice Visoko | 3.500,00 | jednokratno |
| Medžlis Islamske zajednice Gračanica kod Visokog | 3.500,00 | jednokratno |
| Medžlis Islamske zajednice Breza | 3.500,00 | jednokratno |
| Medžlis Islamske zajednice Vareš | 3.500,00 | jednokratno |
| Medžlis Islamske zajednice Olovo | 3.500,00 | jednokratno |
| Župa sv. Ivana Krstitelja Jelah | 5.000,00 | jednokratno |
| Župa Sv. Mihovila Arkandela Vareš | 2.500,00 | jednokratno |
| Pravoslavna crkvena opština Kakanj | 2.500,00 | jednokratno |
| UKUPNO | 50.000,00 KM | |